



Sukladno članku 17. stavak 1. i članka 44. stav 1. Zakona o Visokom sudbenom i tužiteljskom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u svezi sa člankom 61. i 61b. Poslovnika Visokog sudbenog i tužiteljskog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudbeno i tužiteljsko vijeće Bosne i Hercegovine je na sjednici održanoj 05.05.2023. godine, donijelo

O D L U K U

o imenovanju predsjednika Okružnog privrednog suda u Istočnom Sarajevu

- I. Za predsjednika Okružnog privrednog suda u Istočnom Sarajevu, imenuje se **Radoš Čatak Sandra**, na mandat od šest (6) godina.
- II. Imenovana stupa na dužnost 15.05.2023. godine.
- III. Ova odluka stupa na snagu danom donošenja odluke i biće objavljena u na internet stranici Vijeća.

O b r a z l o ž e n j e

Visoko sudbeno i tužiteljsko vijeće Bosne i Hercegovine (u daljem tekstu: Vijeće) je dana 03.11.2022. godine, objavilo javni konkurs, broj: 04-07-3-3559-1/2022, kojim je, između ostalih pozicija, oglašena i pozicija predsjednika Okružnog privrednog suda u Istočnom Sarajevu.

Nakon provedene konkursne procedure i razmatranja rang liste uspješnih kandidata i utvrđenog broja bodova, kao rezultat ocjenjivanja svih kriterija propisanih Zakonom o VSTV-u BiH i Poslovníkom VSTV-a BiH, te na osnovu uspjeha postignutog u natječajnoj proceduri i izlaganja programa rada, Vijeće je odlučilo da za predsjednika Okružnog privrednog suda u Istočnom Sarajevu imenuje kandidatkinju pod rednim brojem 1. na rang listi Radoš Čatak Sandru.

Vijeće je nakon ocjene stručnosti kandidatkinje, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci, rukovodne vještine i iskustvo, sposobnost upravljanja ljudskim potencijalima i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članku 43. Zakona o Visokom sudbenom i tužiteljskom vijeću Bosne i Hercegovine.

Naime, imenovana kandidatkinja je u toku natječajne procedure, u pogledu bodova za kriterij stručnosti, ostvarila ukupno 91,8 bodova od mogućih 100 bodova, dok je na razgovoru pred nadležnim povjerenstvom Vijeća ostvarila, ukupno 25,5 bodova od mogućih 35 bodova, što ju je u konačnici rangiralo na prvom mjestu rang liste kandidata sa ukupno 117,3 ostvarenih bodova od mogućih 135 bodova.

Osim toga, Vijeće je imalo u vidu da je imenovana kandidatkinja u skladu sa članom 59a. stavak (2) točka a) Poslovnika VSTV-a BiH ostvarila potreban uspjeh od najmanje 105 bodova, kako bi bila predložena i imenovana na poziciju predsjednika okružnog privrednog suda.

Imenovanje navedene kandidatkinje, pored uspjeha postignutog u natječajnoj proceduri, opredjelila je i činjenica da je kandidatkinja dugogodišnji nosilac pravosudne funkcije, te Program rada Okružnog

privrednog suda u Istočnom Sarajevu za naredni period koji je kandidatkinja dostavila u toku natječajne procedure i prezentirala tokom obavljenog razgovora pred nadležnim povjerenstvom Vijeća, kao i na sjednici Vijeća. U programu rada imenovana kandidatkinja je predložila mjere i rezultate koje namjerava ostvariti u svrhu unaprijeđenja rada suda, što dodatno govori o rukovodnim i organizacionim vještinama i sposobnostima upravljanja ljudskim potencijalima, kandidatkinje kao predsjednika suda.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-1765-1/2023

Datum: 05.05.2023. godine

